


121

BOSNA I HERCEGOVINA FEDERACIJA BOSNE I HERCEGOVINE UNSKO-SANSKI KANTON MINISTARSTVO UNUTRAŠNJIH POSLOVA		BOSNIA AND HERZEGOVINA FEDERATION OF BOSNIA AND HERZEGOVINA THE UNA-SANA CANTON MINISTRY OF THE INTERIOR
---	---	--

UPRAVA POLICIJE

Broj: 05-04/06-11-1411/22/RS

Datum: 05.12.2022. godine

Na osnovu člana 64. stav (1) tačka b), člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), Preporuke o izboru najpovoljnijeg ponuđača Komisije za javne nabavke Uprave policije MUP USK-a broj: 05-04/01-1-11-1411/22 od 02.12.2022. godine, a na osnovu člana 26. i člana 27. stav (3) Zakona o unutrašnjim poslovima Unsko-sanskog kantona (“Službeni glasnik USK - a”, broj 13/16 i 16/17), u postupku sukcesivne javne nabavke usluga - popravak, servisiranje, kalibracija i verifikacija etilometara, ručnih uređaja za mjerenje brzine vozila u saobraćaju i popravak PDA uređaja za potrebe Uprave policije MUP USK-a u toku 2023. godine, načelnik Sektora kriminalističke policije Uprave policije MUP USK-a **d o n o s i :**

**ODLUKU**  
**o izboru najpovoljnijeg ponuđača**

Član 1.

Prihvata se Preporuka Komisije za javne nabavke broj: 05-04/01-1-11-1411/22 od 02.12.2022. godine i okvirni sporazum/ugovor za javnu nabavku usluga - popravak, servisiranje, kalibracija i verifikacija etilometara, ručnih uređaja za mjerenje brzine vozila u saobraćaju i popravak PDA uređaja za potrebe Uprave policije MUP USK-a u toku 2023. godine dodjeljuje se ponuđaču „**MIBO KOMUNIKACIJE**“ d.o.o. Sarajevo kao najpovoljnijem ponuđaču za:

**LOT 1** - popravak, servisiranje, kalibracija i verifikacija etilometara marke „Drager“ za ponuđenu ukupnu jediničnu cijenu u iznosu od **830,10 KM** (slovima: osamstotrideset i 10/100 KM) bez uračunatog PDV-a,

**LOT 2** - popravka, servisiranje, kalibracija i verifikacija etilometara marke „Alcoquant“/“Alcoquant Plus“ za ponuđenu ukupnu jediničnu cijenu u iznosu od **955,90 KM** (slovima: devetstopedesetpet i 90/100 KM) bez uračunatog PDV-a i

**LOT 3** - popravka, servisiranje, kalibracija i verifikacija ručnih uređaja za mjerenje brzine vozila u saobraćaju i popravak PDA uređaja za ponuđenu ukupnu jediničnu cijenu u iznosu od **1.215,00 KM** (slovima: jednahiljadadvjestotinepetnaest i 00/100 KM) bez uračunatog PDV-a, na osnovu kriterija za dodjelu ugovora „najniža cijena“.

Član 2.

Okvirni sporazum se zaključuje sa izabranim ponuđačem na procijenjenu vrijednost postupka bez PDV-a posebno za svaki lot, na period od 01.01.2023. do 31.12.2023. godine.

Član 3.

Izabrani ponuđač je dužan da u roku od 5 (pet) dana od dana prijema ove Odluke dostavi originale ili ovjerene kopije dokumenata iz člana 45. Zakona o javnim nabavkama. Ova obaveza se ne odnosi na ponuđače koji su ovjerene/originalne dokumente iz člana 45. ZJN dostavili uz ponudu.

Član 4.

Prijedlog ugovora i Okvirnog sporazuma o nabavci dostavit će se na potpis izabranom ponuđaču nakon isteka roka od 15 (petnaest) dana, računajući od dana kada je ponuđač obavješten o izboru najpovoljnijeg ponuđača, kojim će se regulisati međusobna prava i obaveze vezano za predmetnu nabavku shodno uslovima Ugovornog organa navedenim u tenderskoj dokumentaciji i zakonskim propisima koji regulišu postupak ugovaranja.

Član 5.

Za izvršenje ove Odluke zadužuje se i ovlašćuje Sektor za materijalno-financijske poslove i informacijsko – komunikacijske tehnologije, Odsjek za materijalno opremanje i komercijalne poslove.

## Član 6.

Ova odluka objavit će se na web-stranici Ugovornog organa [www.mupusk.gov.ba](http://www.mupusk.gov.ba) uz istovremeno upućivanje svim ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama i to elektronskim sredstvom (mailom).

### O b r a z l o ž e n j e

Postupak javne nabavke pokrenut je posebnom odlukom o pokretanju postupka javne nabavke broj: 05-04/06-11-1411/22/RS od 02.11.2022. godine.

Javna nabavka je provedena primjenom otvorenog postupka za dostavu ponuda. Kriterij za dodjelu ugovora je najniža cijena.

Procijenjena vrijednost javne nabavke iznosi:

LOT 1 – popravak, servisiranje, kalibracija i verifikacija etilometara marke „Drager“ (procijenjena vrijednost bez PDV-a iznosi do 12.500,00 KM),

LOT 2 - popravak, servisiranje, kalibracija i verifikacija etilometara marke „Alcoquant“/“Alcoquant Plus“ (procijenjena vrijednost bez PDV-a iznosi do 12.500,00 KM)

LOT 3 - popravak, servisiranje, kalibracija i verifikacija ručnih uređaja za mjerenje brzine vozila i popravak PDA uređaja (procijenjena vrijednost bez PDV-a iznosi do 10.000,00 KM).

Obavještenje o nabavci broj: 20936-1-2-79-3-44/22 objavljeno je dana 11.11.2022. godine na Portalu javnih nabavki.

Krajnji rok za prijem ponuda bio je 02.12.2022. godine do 09:00 sati.

Komisija za javne nabavke Uprave policije MUP USK-a imenovana je Rješenjem broj: 05-04/04-2-11-1422/22 od 08.11.2022. godine.

Komisija za javne nabavke dostavila je Zapisnik o ocjeni ponuda broj: 05-04/01-1-11-1411/22 od 02.12.2022. godine sa Preporukom o izboru najpovoljnijeg ponuđača broj: 05-04/01-1-11-1411/22 od 02.12.2022. godine, u postupku javne nabavke predmetnih usluga.

U postupku po Zapisniku o pregledu i ocjeni ponuda je utvrđeno da je Komisija za nabavke blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljena 1 (jedna) ponuda za LOT 1, (jedna) ponuda za LOT 2 i 1 (jedna) ponuda za LOT 3;
- da su sve ponude blagovremeno primljene;
- da nije bilo neblagovremeno primljenih ponuda;
- da su ponude ponuđača: „MIBO KOMUNIKACIJE“ d.o.o. Sarajevo prihvatljive za LOT 1, LOT 2 i LOT 3

Dalji postupak Komisija je provela u dvije faze:

- u prvoj fazi obavljena je provjera kvalifikacija ponuđača, prema uslovima i kriterijima utvrđenim u tenderskoj dokumentaciji,
- u drugoj fazi date su preporuke Ugovornom organu za dalje postupanje u ovom predmetu.

Uvidom u dostavljenu dokumentaciju Komisija je konstatovala da ponuđač „MIBO KOMUNIKACIJE“ d.o.o. Sarajevo ispunjava sve uslove koji su predviđeni tenderskom dokumentacijom. Pošto se radi o samo jednom ponuđaču koji ispunjava uslove iz tenderske dokumentacije, iz toga razloga nema potrebe za provođenjem e-aukcije (koja je predviđena ovim postupkom), te je Komisija ugovornom organu predložila dodjelu ugovora navedenom ponuđaču.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu ponuda, u skladu sa kriterijima iz tenderske dokumentacije.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Naziv ponuđača čija je ponuda ocijenjena kao najpovoljnija:

<b>PODACI O NAJPOVOLJNIJEM PONUĐAČU ZA LOT 1</b>		
1.	Naziv ponuđača	MIBO KOMUNIKACIJE d.o.o. Sarajevo
2.	Sjedište i adresa	Tvornička br. 3, 71210 Ilidža-Sarajevo
3.	Ukupna cijena ponude bez PDV-a	830,10 KM
4.	Ukupna cijena ponude sa PDV-om:	971,22 KM

<b>PODACI O NAJPOVOLJNIJEM PONUĐAČU ZA LOT 2</b>		
1.	Naziv ponuđača	MIBO KOMUNIKACIJE d.o.o. Sarajevo
2.	Sjedište i adresa	Tvornička br. 3, 71210 Ilidža-Sarajevo
3.	Ukupna cijena ponude bez PDV-a	955,90 KM
4.	Ukupna cijena ponude sa PDV-om:	1.118,40 KM

<b>PODACI O NAJPOVOLJNIJEM PONUĐAČU ZA LOT 3</b>		
1.	Naziv ponuđača	MIBO KOMUNIKACIJE d.o.o. Sarajevo
2.	Sjedište i adresa	Tvornička br. 3, 71210 Ilidža-Sarajevo
3.	Ukupna cijena ponude bez PDV-a	1.215,00 KM
4.	Ukupna cijena ponude sa PDV-om:	1.421,55 KM

Iz navedenih razloga, primjenom člana 64. stav (1) tačka b), člana 25., člana 70. stavovi (1), (3) i (6) Zakona o javnim nabavkama Bosne i Hercegovine ("Sl. glasnik BiH", broj: 39/14) i člana 26. i člana 27. stav (3) Zakona o unutrašnjim poslovima Unsko-sanskog kantona ("Službeni glasnik USK-a", broj: 13/16), odlučeno je kao u dispozitivu ove Odluke.

#### POUKA O PRAVNOM LIJEKU

Protiv ove Odluke može se izjaviti žalba najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine, putem Ugovornog organa, u pisanoj formi, u dovoljnom broju primjeraka, direktno ili preporučenom poštanskom pošiljkom na adresu Ugovornog organa.

Dostavljeno:


1. Ponuđaču: MIBO KOMUNIKACIJE d.o.o. Sarajevo, Tvornička br. 3, 71210 Ilidža -Sarajevo, putem e-maila: [prodaja@mibo.ba](mailto:prodaja@mibo.ba)

2. Sektor za mat.-fin. poslove i IKT - za objavu

3. a/a



NAČELNIK SEKTORA  
KRIMINALISTIČKE POLICIJE  
samostalni inspektor

  
Jusuf Mešić

502. Viteške brigade br. 2, 77000 Bihać, BiH, Tel: +387/37/305-058, Fax: +387/37/221-560  
Web: [www.mupusk.gov.ba](http://www.mupusk.gov.ba), e-mail: [mat-fin-ikt@mupusk.gov.ba](mailto:mat-fin-ikt@mupusk.gov.ba)